

## BÉNÉDICTIONS DE CÉLÉBRER NAISSANCE DU BIEN-AIMÉ PROPHÈTE ﷺ

- ❖ Dans Quraan-e-Kareem éna l'ordre pou rappelle banne Ayyaamullaah (jours de Allaah ﷺ). (13ème Sipaarah, Ibraheem: 5) et parmi banne jours de Allaah ﷺ, le jour le plus sacré c'est le jour de naissance de Nabi-e-Kareem ﷺ parceki tous banne les autres jours finne gagne barakat à cause de sa jour mubaarak là-même.
- ❖ Quraan-e-Kareem ordonne nous pou célébrer banne bénédiction de Allaah. (11ème Sipaarah, Yunus: 58) et Quraan-e-Kareem même pé annonce Nabi-e-Kareem ﷺ comme bénédiction de Allaah ﷺ pou tous banne l'univers. (17ème Sipaarah, Al-Ambiya: 107) Finne conner ki célébrer ou contentement lors naissance de Rasoulullaah ﷺ c'est au fait l'ordre de Quraan. (Izaaqat-ul-Aathaam, pg. 96)
- ❖ Nous Bien-Aimé Makki Madani Mustafa ﷺ ti pé célébrer so jour de naissance en gardant roza chaque Lundi Shareef pareil couma Hazrat-e-Sayyiduna Abu Qataadah رضى الله تعالى عنه finne dire: Finne demande à Rasoulullaah ﷺ concernant Lundi so roza, alors li finne dire: 'Sa même jour mo finne prend naissance et sa même jour révélation finne descend lors moi.' (Muslim, pg. 591, Hadeeth 198)
- ❖ Quand Abu lahab finne mort, alors certaines de so banne membres de famille finne trouve li dans rêve et li ti dans ène très mauvais l'état. Zot finne demande li ki finne arrive li après so la mort? Li finne dire: Après ki mo finne séparer avec zot, mo pas finne gagne aucun du bien. Après, en faisant signe à trou ki ti éna en-bàs dans so pouce, li finne dire: Excepter sa, ki donne moi de l'eau pou boire depuis là-dans parceki mo ti libère mo esclave Suwaybah. (Musannaf A'bdur Razzaaq, vol. 9, pg. 9, Hadeeth 16661; Ou'mda-tul-Qaari, vol. 14, pg. 44, Hadeeth 5101) ❖ Sayyiduna Sheikh A'bdul Haq Muhaddith Dehlwi رحمه الله عليه dire à propos sa récit là: Dans sa évènement là, éna ène grand preuve pou banne ki célébrer Meelad Shareef et zot content et dépense zot l'argent pou sa l'occasion là. Abu lahab ki ti ène kaafir, et quand li finne gagne nouvelle de naissance de Taajdaar-e-Nubuwwat ﷺ li finne content et li finne libère so esclave (Suwaybah) pou li alle faire boire du lait avec li. Maintenant, imagine circonstance dans ki sa musulman là pou été, celui ki rempli avec l'amour et contentement li pé dépense so l'argent. Mais seulement, sa li nécessaire pou ki péna la musique et chanter dans banne rassemblements de Meelad Shareef. (Madaarij-un-Nubuwwat, vol. 2, pg. 19)
- ❖ **C'est quoi célébration de naissance du Prophète ﷺ?** Célébration de naissance du Prophète ﷺ c'est sa mubaarak rassemblement là cot explique concernant excellence, miracles, caractères, la vie et so banne circonstances, l'enfance, commencement Nubuwwat de Nabi-e-Kareem ﷺ depuis banne livres authentique. (Subul-ul-Huda, vol. 1, pg. 363) ❖ Swadr-ush-Sharia'h, Mufti Muhammad Amjad A'li Aa'zwami رحمه الله عليه dire: Sa banne kitchoses là (excellence et miracles etc. de Nabi-e-Kareem ﷺ) finne mentionner dans banne Hadeeth aussi et dans Quraan-e-Majeed aussi. Si banne musulman coze concernant sa dans zot banne rassemblements, au contraire, si zot organise banne rassemblements spécialement pou coze concernant sa, alors péna aucun raison pou ki dire ki li pas permissible. Invite banne dimounes pou participe dans sa qualité rassemblement là c'est au fait invitation vers le bien. Pareil couma faire annonce pou banne causerie et banne rassemblements, faire zot publicité lors papiers et partager, publier banne l'articles concernant sa dans journal, et malgré sa, sa banne causerie et rassemblements là pas vinne ène kitchose ki 'pas permissible' à cause de sa banne raisons là, coumsa même, si envoie banne invitations pou Zikr-e-Paak dans banne rassemblements de Meelad, pas pou capave dire sa banne rassemblements là 'pas permissible' et bid'at. (Bahaar-e-Sharia't, vol. 3, pg. 644)
- ❖ **L'ordre pou célébrer le naissance du Prophète ﷺ:** 'D'après le doctrine de Ahle Sunnat, banne rassemblements de Meelad-e-Paak li ène de banne pli meilleur actions parmi banne mustahabbaat (actions préférable) et li ène parmi banne meilleur travaux de Mustahsanaat (travaux vertueux).' (Al Haqq-ul-Mubeen, pg. 100)
- ❖ **Banne vertu et barakat quand célébrer la naissance du Prophète ﷺ:** Banne ki célébrer la naissance du Prophète ﷺ, zot gagne inestimable bénédiction religieuse et mondaine de la part de Allaah ﷺ, pareil couma Hazrat-e-Sayyiduna Imaam A'bdur Rahman Ibn-e-Jawzi رحمه الله تعالى عليه dire: Celui ki exprime contentement et la joie lors célébration de naissance du Prophète ﷺ, sa contentement là pou vinne ène barrière pou li pou protégé li contre l'enfer, celui ki dépense 1 dirham dans contentement de l'anniversaire du Prophète ﷺ, alors Nabi-e-Kareem ﷺ pou intercède pou li, et Allaah ﷺ pou accorde li 10 dirham en retour de sa 1 dirham là. Oh ummat du Bien-Aimé Aaqaa ﷺ! C'est ène bonne nouvelle pou toi, finne déclare toi comme celui ki mérite banne bienfaits en abondance lors la terre et dans l'au-delà aussi. Banne ki célébrer la naissance de Hazrat-e-Sayyiduna Ahmad-e-Mujtabah ﷺ zot pou gagne barakat, respect, bienfaits et gloire, zot pou rentre dans paradis en

portant ène l'mamah en perles et linge vert, pou accorde zot beaucoup palais et dans chaque palais pou éna banne Hur, lire Durood en abondance lors Nabi-e-Paak صَلَّى اللهُ تَعَالَى عَلَيْهِ وَآلِهِ وَسَلَّمَ et célébrer so naissance et répandre partout sa célébration là. (Majmu' Lateef-un-Nabi, pg. 281) ❖ Haafiz-ul-Hadeeth, Imaam Abul Khayr Muhammad bin A'bdur Rahmaan Sakhaawi رَحْمَةُ اللهِ تَعَالَى عَلَيْهِ dire: Banne ki célébrer la naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ, très grand bénédictions descend lors zot par barakat de sa action là. (Subul-ul-Huda, vol. 1, pg. 363) ❖ Hazrat-e-Sayyiduna Imaam Ahmad bin Muhammad Qastalaani رَحْمَةُ اللهِ تَعَالَى عَلَيْهِ dire: Parmi banne profits quand organise banne rassemblements de Meelad pendant banne jours de Meelad, sa profit là aussi finne prouver d'après l'expérience ki dans sa l'année là éna la paix ki regner. Ki Allaah عَزَّوَجَلَّ descend so bénédictions lors sa personne là, celui ki finne faire banne la nuit de naissance de Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ vinne Eid pou li. (Mawaahib-ul-Ladunniyyah, vol. 1, pg. 148) ❖ Pou banne ki célébrer la naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ éna aussi la bonne nouvelle de paradis pou zot dans paroles de banne Savant pieux. ❖ Donc, Sheikh-e-Muhaqqiq, Sayyiduna Shah A'bdul Haq Muhaddith Dehlwi عَلَيْهِ رَحْمَةُ اللهِ تَعَالَى عَلَيْهِ dire: Récompenses pou banne ki célébrer zot contentement dans la nuit de naissance de Sarkaar-e-Madinah صَلَّى اللهُ تَعَالَى عَلَيْهِ وَآلِهِ وَسَلَّمَ c'est sa, ki, Allaah عَزَّوَجَلَّ pou faire zot rentre dans Jannat-un-Nae'm par so grâce et faveur. Depuis tout le temps, banne musulmans finne organise banne rassemblements de Meelad et donne invitation à les autres aussi, zot prépare manger et zot donne beaucoup Sadaqah et la charité, zot exprime zot contentement et zot dépenser beaucoup, aussi, zot organise banne rassemblements pou faire Zikr de naissance de Nabi-e-Kareem صَلَّى اللهُ تَعَالَى عَلَيْهِ وَآلِهِ وَسَلَّمَ et zot décore zot banne lacaze et par barakat de tous sa banne bon travaux là, Allaah عَزَّوَجَلَّ so bénédictions descend lors sa banne dimounes là. (Maa-Thabata Min-as-Sunnah, pg. 74)

## Paroles de banne Savants et Muhadditheen

- ❖ Hazrat-e-Sayyiduna Imaam A'bdur Rahmaan Ibn-e-Jawzi عَلَيْهِ رَحْمَةُ اللهِ تَعَالَى عَلَيْهِ dire: Dans sa action là (c'est-à-dire, célébrer naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ) péna narien à parte humiliation pou shaitaan et la force pou banne ki éna la foi (Imaan). (Subul-ul-Huda, vol. 1, pg. 363) ❖ Imaam Jalaal-ud-deen A'bdur Rahmaan Suyouti عَلَيْهِ رَحْمَةُ اللهِ تَعَالَى عَلَيْهِ dire: Celui ki célébrer la naissance de Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ li gagne sawaab parceki là-dans ou exprime respect pou Nabi-e-Kareem صَلَّى اللهُ تَعَالَى عَلَيْهِ وَآلِهِ وَسَلَّمَ et contentement et la joie lors so naissance. (Al Haawi Lil-Fataawa, vol. 1, pg. 222) ❖ Commentateur de Bukhaari, Hazrat-e-Sayyiduna Ahmad bin Hajar A'sqalaani عَلَيْهِ رَحْمَةُ اللهِ تَعَالَى عَلَيْهِ dire: Li mustahab (préférable) pou nous ki nous organise ène rassemblement pou célébration de naissance de Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ pou nous exprime nous remerciements, nous partage manger et nous faire les autres banne neiki ki pareil coumsa et nous exprime nous la joie. (Al Haawi Lil-Fataawa, vol. 1, pg. 230) ❖ Hazrat-e-Sayyiduna Abu Moosa Zarhooni عَلَيْهِ رَحْمَةُ اللهِ تَعَالَى عَلَيْهِ finne trouve Nabi-e-Kareem صَلَّى اللهُ تَعَالَى عَلَيْهِ وَآلِهِ وَسَلَّمَ dans so rêve, alors li finne demande li concernant faire banne arrangements spéciale dans contentement de Meelad, alors Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ finne dire: 'مَنْ فَرِحَ بِنَا فَرِحْنَا بِهِ' c'est-à-dire, Celui ki content avec moi, mo content avec li. (Subul-ul-Huda, vol. 1, pg. 363)
- ❖ Lire sa résumé de banne Madani perles ki finne prend depuis Ameer-e-Ahle Sunnat, Fondateur de Dawat-e-Islami, Hazrat-e-A'llamah Maulaana Abu Bilaal Muhammad Ilyas A'ttaar Qadri دَامَتْ بَرَكَاتُهُمُ الْعَالِيَةِ so livret 'Laube Lumineuse':
  1. Mo Bien-Aimé Aaqaa صَلَّى اللهُ تَعَالَى عَلَيْهِ وَآلِهِ وَسَلَّمَ ti pé célébrer jours de so naissance en gardant roza dans banne jours de Lundi. Ou aussi, comme ène rappelle, garde roza le 12<sup>ème</sup> Rabi-ul-Awwal Shareef.
  2. Faire ghusl dans l'après-midi de 11<sup>ème</sup> Rabi-ul-Awwal ou dans la nuit de 12<sup>ème</sup> Rabi-ul-Awwal. Si possible, alors avec l'intention de respecter sa Eid de tous banne Eid là, tous banne kitchoses ki nécessaire, acheter zot nouveau pou servi.
  3. Dans contentement de célébration de naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ, pas faire aucun sa qualité travail là ki viole droits de banne humains (Huqooq-ul-I'baad).
  4. Dans contentement de célébration de naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ, tous banne frères et soeurs en Islaam faire l'intention pou vivre zot la vie d'après Sunnat.
  5. Pou célébrer naissance du Prophète صَلَّى اللهُ تَعَالَى عَلَيْهِ وَآلِهِ وَسَلَّمَ, mette banne pavillon vert lors banne Masjid, lacaze et magasins/la boutique, mette illumination partout, mais seulement faire li dans ène façon légale en prenant contact avec l'institution ki fournir électricité.
  6. Aussi longtemps ki possible, reste en état de Wuzu dans Juloos (procession) et porte attention à accomplir Namaaz en congrégation.

(Pou plis information, lire Ameer-e-Ahl-e-Sunnat, Hazrat-e-A'llamah Maulaana Abu Bilaal Muhammad Ilyas A'ttaar Qadri دَامَتْ بَرَكَاتُهُمُ الْعَالِيَةِ so livret 'Laube Lumineuse'.)

**Pou gagne fermeté dans acquérir Neiki et pou vivre ou la vie d'après Sunnat, attache ou avec le Madani l'environnement de Dawat-e-Islami.**